



Capricorn Greenland Exploration 1 Ltd
Cairn Energy Plc
50, Lothian Road
Edinburgh
Skotland

**Capricorn Greenland Exploration 1 Ltd.-p Kalaallit Nunaata kitaata avannaani
2011-mi kisimiilluni pisinnaatitsissuteqarfimmi 2011/13-imi aamma
misissuinissamut pisinnaatitsissuteqarfimmi 2008/47-mi 3D-nik
sajuppillatsitsisarluni misissuinissaanut AIP-ip akuersissutaa**

25 August 2011
Journal Nr. 2011-050183
Dok. Nr. 641793

Boks 930
3900 Nuuk
Oq. (+299) 34 68 00
Fax (+299) 32 43 02
E-mail: bmp@nanoq.gl
www.nanoq.gl

Qinnuteqaat

“Baffinbugtimi blok 6 – Pitumi imaani 3D-nik sajuppillatsitsisarluni nunallu nutsuineranik misissuinissanut Capricorn Greenland Exploration Ltd.-ip (Capricorn) Aatsitassanut Ikummatissanullu Pisortaqarfimmut qinnuteqaat” Capricorn Greenland Exploration 1 Ltd.-ip (Capricorn) 2011-mi maajip 24-anni pappialanngorlugu aamma 2011-mi maajip 25-anni elektroniskimik tunniussaa Aatsitassanut Ikummatissanullu Pisortaqarfimmit (AIP) innersuussutigineqarpoq.


Suliniut

Capricorn Greenland Exploration 1 Ltd. tassaavoq kulbrintimik ujaasinissamut atuinissamullu kisimiilluni pisinnaatitsissuteqarfimmik normu 2011/13-imik aamma kulbrintimik misissuinissamut pisinnaatitsissuteqarfimmik normu 2008/47-mik ingerlatsisoq.

Suliniuummi matumani siunertarineqarpoq pisinnaatitsissuteqarfimmi tamakkerlugu 1.499 km²-it missaannik annertussuseqartumi, ingerlaarlugu 3.177 km-inik isorartutigisumi, imaani 3D-nik sajuppillatsitsisarluni paasissutissanik katersuinissaq. Paasissutissanik katersinissaq kisimiilluni pisinnaatitsissuteqarfimmi 2011/13-imi aamma misissuinissamut pisinnatitsissuteqarfimmi 2008/47-mi pissaq, ataani immap assingani takutinneqartumi.

Pisinnaatitsissuteqarfinni assigiinngitsuni paasissutissat imannak agguataarneqarput:

- Kisimiilluni pisinnaatitsissuteqarfik 2011/13: pisinnaatitsissuteqarfik tamakkerlugu 1402,38 km²
- Misissuinissamut pisinnaatitsissuteqarfik 2008/47: 81,32 km² (Kisimiilluni pisinnaatitsissuteqarfimmit 2011/12, Anu-mit aamma qallerneqarsimasoq)
- Misissuinissamut pisinnaatitsissuteqarfik 2008/47: 15,4 km² (Kisimiilluni pisinnaatitsissuteqarfimmit 2011/15, Toqq-mit aamma qallerneqarsimasoq)



Misissuinissap ulluni 33-ni ingerlanneqarnissaa pilersaarutaavoq.

Imaani 3D-nik sajuppillatsitsisarluni pasissutissanik katersinissaq geofysiskimik suliaqartumit PGS Exploration-imit ingerlanneqassaaq Capricorn Greenland Exploration 1 Ltd. sinnerlugu, umiarsuaq misissuut Ramform Challenger, umiarsuit malinnaasut Valberg aamma Vesturland aamma umiarsuaq tapersersuisoq Ocean Explorer atorlugit.

Avatangiisinik Sunniutinik Naliliineq

Avatangiisinut Sunniutinik Naliliineq (ASN) qinnuteqaammut Capricornimit ilanngunneqarpoq. ASN tusarniaassutigineqarsimavoq. Capricornip 3D-nik sajuppillatsitsisarluni paasissutissanik katersinissamut ASN nutartigaq kalaallisut tuluttullu 2011-mi juulip 15-anni nassiunneqarpoq. ASN-ip tusarniaassutigineqarnerani qisuariaatinut oqaaseqaatit Capricornip juulip 21-anni nassiunneqarpoq.

Nationalt Center for Miljø og Energip, NERI, oqaaseqaatai arlallit ASN-imut ilanngunneqarsimasut NERI-p maluginiarpa, ilanngussaq D ilaatigut ilanngunneqarluni. Tamanna tunngavigalugu NERI-p nalilerpa piumasaqaatit aalajangerneqarsimasut ASN-imi naammassineqarsimasut, ASN-imili naliliineqarpoq NERI-mit isumaqatigineqanngitsunik. Tassani ingammik pineqarpoq nipip imaani avatangiisinut qanoq sunnuteqartiginissaanik naliliineq. Nipip periusaa Issittumi qajannarpoq immap iluani immap qaleriaarneri pissutigalugit.

Sajupillatsitsisarluni paasissutissanik katersinermi misissuinermik nakkutilliinikkut nipip imaani avatangiisinut sunniutai ungasissutsini assigiinngitsuni uuttortarneqarsinnaapput. Capricornip sajupillatsitsisarluni pasissutissanik katersiniarnera akuerineqassappat piumasaqaataavoq imaani avatangiisinut nipip sunniutai ilmoortut misissuinermi nakkutigineqassasut.

Qimusseriarsuarmi aasarsiortarfimmitt qilalukkat qernertat qimaatinneqassappata NERI Pinngortitaleriffillu naliliipput aasap tulliani uterumaartut; tassalu sajupillatsitsisarluni misissuinerup sunniutai ataavartuussanngitsut. Pisinnaatitsissuteqarfiup eqqaani sajupillatsitsisarnerit ukiuni tulliuuttuni ingerlaannassappata qimagutsitsivittoqarsinnaanera (sakkortusiartortumik) aarlerinartoqarsinnaavoq. Qanoq aarlerinartiginera misissorneqarsinnaavoq imaani avatangiisinut nipip sunniutai nakkutiginerisigut. Nakkutilliinernit paasisat Kalaallit Nunaata imartaani siunissami sajupillatsitsisarluni misissuisoqarnerinik naliliinissanut aamma atorineqarsinnaassapput.

Avatangiisinut sunniuteqarsinnanarup aarlerinartoqarnera pissutigalugu akuersissummik tunniussisoqartinnagu ASN naalakkersuisunit akuerineqartariaqarpoq, takuuk Aatsitassanut Inatsit § 73, 2.

Kalaallit Nunaanni naalakkersuisut ASN 2011-mi aggustip 24-anni akueraat.

Kisimiilluni pisinnaatitsissuteqarfimmi 2011/13-imi immikkoortoq 15 aamma misissuinissamut pisinnaatitsissuteqarfimmi normu 2011/13-imi immikkoortoq 13 najoqutaralugit akuersissut

Kisimiilluni pisinnaatitsissuteqarfimmi 2011/13-imi immikkoortorta 15-imi aamma misissuinissamut pisinnaatitsissuteqarfimmi normu 2008/47-mi piumasaqaatini immikkoortorta 7-imi allassimasut najoqutaralugit AIP-mit matumuuna akuersissutigineqarpoq Capricorn Greenland Exploration 1 Ltd. qinnuteqaammi, paasissutissat ilassutaasut ilanngullugit, allassimasutut imaani 3D-nik sajupillatsitsisarluni paasissutissanik katersinnaasoq, piumasaqaatit ataani eqikkarneqartut tunngavialugit:

- Ingerlatsinerup malissavai:
 - Kisimiilluni pisinnaatitsissuteqarfimmi normu 2011/13-imi kulbrinteqarneranik misissuinissamut atuinissamullu aamma misissuinissamut pisinnaatitsissuteqarfimmi normu 2011/48-mi piumasaqaatit
 - “Kalaallit Nunaata avataani kulbrintisiornissamut (qillerineq minillugu) qinnuteqartunut, ingerlatsisunut nalunaarsuisunullu AIP-ip najoqutassiaa, maaji 2009”-mi malitassatut aalajangersakkat
 - “Kalaallit Nunaata imartaani sajupillatsitsisarluni misissuinerne Avatangiisinut Sunniutinik Naliliinernut najoqutassani, aappaanni” innersuussutit, NERI-p tekniskimik nalunaarusiaa normu 785, 2010
- Imaani avatangiisini nipip periusaata qanoq ippiarneranik Capricorn misissuissaaq. “Baffinbugtimi imaani nipip periusaanik misissuineq 2011,

Kukkuneriugaq 1” 2011-mi aggustip tallimaaneersoq najoqqutaralugu imaluunniit NERI AIP-lu isumaqatigiissuteqarfigineratigut misissuineq ingerlanneqassaaq. Misissueqqissaarneq Cornell University-mit ingerlanneqassaaq. Paasissutissat pissarsiarineqartut NERI-mit Pinngortitaleriffimmiillu pissarsiarineqarsinnaassapput. Kisimiilluni pisinnaatitsissuteqarfimmi 2011/13-imi §20.02, b / Misissuinissamut pisinnaatitsissuteqarfimmi 2008/47-mi immikkoortortaq 11.03-mi atukkat najoqqutaraugit paasissutissat isertuunneqassapput

- Uumasunik nakkutilliisut marluk ingerlatsinermi ilaatinneqassapput, takuuk “Kalaallit Nunaata avataani kulbrintisiornissamut (qillerineq minillugu) qinnuteqartunut, ingerlatsisunut nalunaarsuisunullu AIP-ip najoqqutassiaa, maaji 2009”, Immikkoortoq 7.4.1
- Sajuppillattaatit sakkortusiarortilinnginneranni miluumasnik imarmiunik nakkutilliineq minutsinut 60-inut sivitsorneqartariaqarpoq, takuuk immikkoortoq 3.1 Tuluit Nunaanni ataatsimiititaliap Joint Nature Conservation Committee-p (JNCC) najoqqutassiai, aggusti 2010. Taamaalinerani MMSO-t miluumasut imarmiut kisiisa nakkutigisariaqarpaat timmissat imarmiut pinnagit.
- Baffinbugtip ilorpasinnerusortaani sajuppillatsitsisarلuni paasissutissanik katersinermi umiarsuit marluk amerlanerusulluunniit sapinngisamik ataatsikkoortinneqassanngillat. Pisinnaatitsissueqartup sumiiffimmi ingerlatsisut allat ataqatigiissarnissaat isumaginiassavaa.
- Sajuppillatsitsisarلuni paasissutissanik katersineq 2011-mi oktobarip aqqarnat tikitsinnagu ingerlanneqassaaq, NERI-p tekniskimik nalunaarusiaa normu 785, 2010-mi “qilalukkat qernertaqarfii II” tikitsaaliniarlugit
- Kalaallit Nunaata avataani kulbrintisiornissamut (qillerineq minillugu) qinnuteqartunut, ingerlatsisunut nalunaarsuisunullu AIP-ip najoqqutassiaani kapitali 8-mi aamma llanngussaq I-imi aalajangersakkat malillugit paasissutissat nassiunneqassapput
- Misissuinissamut pisinnaatitsissuteqarfimmi 2008/47-mi paasissutissanik katersinermi kisimiilluni pisinnaatitsissuteqarfimmi katersisoqarsimappat paasissutissat kisimiilluni pisinnaatitsissuteqartumut akeqanngitsumik tunniunneqassapput.

Maluginiarneqartariaqarpoq Kalaallit Nunaata killeqarfiata iluani misissuinissamut akuersissutinik taamaallaat AIP tunniussisinnammat. Taamaammat una akuersissut Kalaallit Nunaata killeqarfiata avataani sumilluunniit ingerlatsinissamut akuersinertut isigineqarsinnaanngilaq.

Una akuersissut akuersissutip tunniunneranit 2011-ip naanissaata tungaanut atuuppoq, taamaattorli sajuppillatsitsisarلuni paasissutissanik katersineq 2011-mi oktobarip 15-at nallertinnagu naammassereersimassalluni, qulaa takuuk.

Inussiarnersumik inuulluaqqusillunga
Kind regards

Jørgen T. Hammeken-Holm
Immikkoortortami pisortaq